

D. F. G.

DISSERTATIO ACADEMICA,

DE

OBLECTATIONE ET APPETITU
MENTIS, DE FINE IN MEDIA
TRANSLATO,

QUAM

CONS. AMPL. FACULT. PHIL. IN REG. ACAD. ABOENSI,

PRÆSIDE

MAG. HENRICO GABRIELE PORTHAN,

Eloqu. Prof. Reg. & Ord.

Publice examinandam sifit

CAROLUS REGINALDUS BRANDER,

Satacundenfis.

In AUDITORIO MAJORITY Die ~~XII~~ Octobris

An. MDCCCLXXXIV.

H. A. M. S.

ABOÆ,

Impressa apud Viduam Reg. Acad. Typogr. J. C. FRENCKELL.

VIRO

Admodum Reverendo atque Praeclarissimo,
DN. MAG. FRIDERICO REGINALDO
BRANDER,

*Præposito & Scholæ Trivialis quæ Artiopoli floret Rectori
Meritissimo,*

PARENTI INDULGENTISSIMO.

Non possum, PATER OPTIME, verbis, ut par est curæ paternæ magnitudinem exprimere, qua me usque a prima ætatula complexus benignè fovisti, quæque annis crescentibus, crevit semper. Nulli labore, nulli contentioni ac operæ pepercisti, quæ ad mentem meam docendam, ad bonarum artium studium excitandum & adjuvandum, ad animalium utilibus præceptis imbuendum, ad salutem meam fundandam & muniendam, pertineret. Beneficia igitur a TE mihi præstata tot tanquam memoria revolvens, non possum non & summae adisci pietatis affectu, & quam sim gratiæ, non modo re, sed etiam prædicatione, digne persolvendæ impar, vividissime cernere. Cum tamen nihil vel spectare TE vel a me exspectare sciam, nisi pius voluntatis motus, his peccus perpetuo calebit; quos cum publice testandi nulla mihi hactenus occasio esset, hanc quæ nunc mihi offertur arripiò lubens, pagellasque exercitii gratia editas, pignoris instar & indicii gratissima ac pinnæ mentis, TIBI consecro. Recipias hoc munusculum, humillime rogo, non ut mercedem beneficiorum, quæ nulla a me præstari potest, sed ut primitias laboris & impensæ in me instituendo insumntæ. Deum immortalem supplicibus precibus orare non desinam, ut TE, PATER OPTIME, salvum sospitemque usque ad seram senectutem servet atque tucatur, omnigenaque felicitate ornatum prosperet ac beet! Ita animo reverentia filiali & obsequio ferventi, votet

PARENTIS INDULGENTISSIMI

Filius obedientissimus
CAROLUS REGINALDUS
BRANDER,



§. I.

Quamvis extra controversiam positum censeri videatur debere, humanæque naturæ diligentior consideratio evidenter doceat, amorem sui, sive nisum hominis naturalem in suam quærendam voluptatem ac felicitatem, primum quasi esse momentum ad agendum nosmet impellens, fontemque omnium reliquarum voluntatis nostræ inclinationum, cupiditatum & studiorum; non pauci tamen, conclusionum & conjectariorum quorundam, sponte hinc fluentium, formidolosa specie tertii ac conturbati, tam facili claræque veritati assensum præbere non auferunt. Experientia nempe illam adversari putarunt, aperte ostendenti, multos studiose, scientesque ac volentes, interitum ipsos sibi accelerare, iisque contraria plane appetere & sectari quæ sibi utilia, salutaria, imo jucunda sint, in perniciem suam ita sponte ruentes: alios ad minicula amplecti adjumentaque, felicitati suæ promovendæ illa quidem utilia, sed longe majori tamen hæc ardore pervicaciorique studio adamare & appetere, quam quod vere mereantur; imo æque studiose homines his rebus non raro inhiare, postquam ad eam, quam antea, voluptatem obtinendam ultra nihil conferunt, quin cum aperte ei repugnant. Unde concluserunt, voluptatis atque felicitatis suæ studium perpetuum homines non animare, multo minus unicum esse aut præcipuum, quo impellantur & regantur. Qua ducti opinione, opus esse porro existimarunt, ut plures, diversi plane & independentes &

A

sese

se se invicem, cum homine nasci natus animi statuerentur;
quorum ope, ingenia moresque hominum adeo varii,
possent explicari. Tantum vero abest, ut scientiae Psychologicae hoc consilio bene consulerent, ut longe potius disciliorem, confusorem, magisque complicatam de natura ac propensionibus mentis doctrinam redderent.
*Alii contra, recte quidem hominem perpetuo duci suæ delectationis felicitatisque studio autumantes, in aliud lapsi extremum, efficere ex laudato supra axiomate conati sunt, eum ad actionem quamlibet suscipiendam nullo omnino alio sensu impelli, neque in agendo quicquam aliud appetere aut spectare, nullis unquam nobilioribus moveri aut dirigere rationibus, quam proximo suæ voluptatis commodique respectu: unde omnem generi nostro veram virtutem, magnanimitatem & laudem penitus adjudicantes, turpibus valde atrisque coloribus humanitatis imaginem depictam nobis stirerunt; primum & originarium quasi actuositatis nostræ fontem, cum immediatis actionum quarumcunque motivis, (ut loqui moris est), confundentes, atque sistema hinc tetrum illud condentes, quod non verius quam salutarius ac gratius videri humanitatis debet amicis, rem accurate penitentibus (a). Ad falsas hujusmodi, ineptas, & pernicioseas opiniones removendas, indolemque animi nostri rectius cognoscendam, non parum facit doctrinæ, vulgaribus nostris Psychologis parum vel nota vel tractata, de *Translatione assensus, approbationis, delectationis & appetitus nostri*, (ut etiam e contrario displicientiae & aversationis), de fine nobis proposito, in *adminicula*, subsidia atque adjumenta, (*media vulgo dicimus*), quæ apta ei attingendo comodaque reperimus; fine ipso, principali delectationis, illius appetitusque causa & ratione, interim pla-*

(a) Ad hanc rationem nimis inclinat celebris auctor noti libri de *Espirit*; cfr. *Disc. III, Ch. IX - XIV.*

plane nihil spectato (b). Quare argumentum delecturi, in quo explicando vires ingenii periclitaremur, hoc præcipue sese nobis considerandum commendavit; non dubitantibus, quin benevolam mitemque censuram L. C. in adolescentis immaturo conatu sit exerciturus.

§. II.

Quum mens ad finem attingendum conatum suorum summum, delectationem puta, atque felicitatem consequendam veram atque stabilem, non solum adjumenta mediaque appetere necesse habeat, saepe plura, sed multas quoque ille plerumque partes complectatur, saepeque procul absit, neque facile neque celeriter attingendus; adeoque plures fere opus sit intermedios subordinatosque (ut loquuntur) fines petere, quo pervenire tandem ad ultimum queamus; quumque eos singulos, non nisi aptorum ope subsidiorum assequi liceat: hinc patet, longam plerumque homini mediorum, paullatim adhibendorum, esse seriem instruendam & conjungendam, ut voti sui fiat compos. Verum finita nobis est, arctisque cancellis circumscripta, res nobis repræsentandi vis atque facultas; quare necesse habemus, imprimis quoties longior hæc series est, intelligentiam nostram sensim atque successive, (ut loquuntur), ad singulas applicare ejus partes, paullatimque ab una ad aliam meditando progreedi. Quo fit, ut cum integrum tamen hanc quasi catenam simul spectare oculisque mentis subjicere non valeamus, adjumentis contemplandis, utpote prioribus, quorumque beneficio remotiorem illum attingi finem experti sumus,

A 2

aciem

(b) Illustrat hujus doctrinæ fundamenta egregie in primis auctor præclarí operis: *The Light of Nature pursued by Edward Search (ABR. TUCKER)* Vol. I. Part. II. ch. 18. &c.; cuius igitur vestigium præcipue insistere, non dubitamus.

aciem præcipue flectamus, longinquiore illo scopo quasi
e conspectu interim dimisso. Quod cum feliciter sæpe
succedit, omne tandem studium suum omnemque volu-
ptatem, ad subordinatum huncce finem, aut ad subsidi-
um hocce cupiditatis suæ explendat, animus immediate
transfert, nec raro scopi principalis, cuius attingendi cau-
sa hæc delegit, penitus obliuiscitur. Assensus suus his
adminiculis sæpe associatus, consuetudinem probandorum
eorum parit, ac illum cum his indissolubili proximoque
tandem nexu conjungit; quæ igitur placent, & quasi pro-
pter se, nulla finis remotioris interveniente cogitatione,
appetuntur & æstimantur. Hinc sæpe, & plus quam par-
est quamque finis primum propositus poscit, (infinita in-
terdum cupiditate), adamantur, & haud remissori quam
olim studio etiam tum desiderantur, cum per mutatam
rerum indolem nihil amplius ad finem istum conferunt
obtinendum; quin cum ei vehementer obsunt, & da-
mnum homini certissimum pariunt. Accedit, quod ad-
minicula, ut finis eorum ope attingatur, sæpe vehemen-
tiorem ac constantiorem poscant animi vim iis adhiben-
dis insuntam, omnemque mentis curam & cogitationem
ita occupent, ut nullam fere interim aliam rem spectare
valeat. Eo igitur facilius, (in primis si propria quoque a-
liqua valent illecebra), finis remotioris obliuiscimur, me-
diaque appetitum nostrum, scopi primarii cogitatione ita
vel exterminata vel obscurata, ad se totum pertrahunt,
& consuetudine præterea accedente, metæ instar ultimæ,
ad quam attingendam omnes conatus conferri debeant,
animo sele nostro sistunt. (a) Quod maxime contingit,

cum

(a) Intellectus nostri assensus & fides, simili ratione ex præmissis
conjici solet in conclusionem, ita ut illis etiam e mente elapsis, huic
adhærens remaneat; quod magnam quidem nobis in vita utilitatem
adserit, sed multos etiam errores progenerat, cum propositiones sæpe
repetitæ, auditæ, & ineulcatæ, (nullis licet subnixæ argumentis) ex ha-

*) 5 *

cum s̄ep̄us, ut sit, ad plures varijsque voluptatis suavissimis fructus percipiendos eadem nos adminicula adjuvabant, quae vix alio quam mutuato ex illorum iudeo hoc colore tincta, nobis deinde apparent. Unde ingrati primū labores, s̄ape nobis jucundi postea fiunt; fructuum quos pepererunt dulcedine compluries gustata. Sentium perceptorum vividitas & vehementia, eandem quoque quam frequentior repetitio & longioris temporis consuetudo, interdum in animis humanis vim, ad media quibus accelerati nobis sunt, per totam haud raro vitam vel concilianda vel odiofa reddenda (etiam cum eundem jam non habituri sunt effectum), haud raro exercet. Quæ omnia ostendunt, quam arctam hæc ratio, cum maximi momenti illa de *Associatione Idearum* doctrina, cognitionem habeat: quæ cum neque a Physicis cauissimis, (in organorum illorum subtilissimorum natura & conformatione, quorum ministerio mens in operationibus suis utitur, quærēndis), sit omnino independens; simul hinc colligere licet, neque *Translationem appetitus*, quam consideramus, corporeo mechanismo nulla ex parte deberit: ita tamen, ut etiam in mente ipsa, nexus idearum suorum huic rei favente, haud raro peragi videatur.

§. III.

Inter tria præcipua cupiditatum genera, quæ homini tribuuntur, *Voluptatis studium, Avaritiam & Ambitionem,*

A 3

(sin-

sola ratione fidem nostram haud raro acquirant, nesciorum unde illas hauserimus. Plurimæ etiam quæ per se claræ & connatæ vulgo putantur veritates, non alia via ad hanc evenitæ sunt dignitatem; demonstrationum nempe quibus nobis sese comendarunt, & modi quo illas arripiimus, oblii, semper animo nostro obversatas fuisse putamus. Hinc etiam evenit, ut adeo s̄ape homines nuda verba cogitent, propositionesque mente vacuas defendant; translato nempe assensu suo in verba, s̄ape audita, & in formulas s̄ape usurpatas, putant subesse iis atque perceptam a se fuisse, quam tamen non animadvertisunt, mentem & sententiam.

(singulis his vocibus in significatione media, seu indiferenti sumtis), concedendum omnino esse Philosophis *Cyrenaicis & Epicureis*, nec non HELVETIO fatemur, primam, scilicet *Voluptatis*, solam connatam homini esse, sive quasi originalem; utpote quæ immediate sensus afficiat nostros: ambæ reliquæ adventitiæ, & Translationis ope ortæ sunt. *Avaritia* ortum debet experientiæ, opum & pecuniarum usum ac necessitatem ad voluptates, commoditates, & vitæ subsidia quæcunque comparanda, demonstranti; quam vim nisi haberent, nemo iis premium statueret. Hæc igitur cupiditas nobiscum haud nascitur; quare videmus, quam parum infantes illa ducantur, & quam facile pecunias e manibus dimittant. Qui autem educationis & experientiæ ope hoc studium non addidicerunt, per omnem vitam prodigi manent. Hinc liquet, cur omnes homines pecuniam plus minus ament, & lubenter eam accipiant, curque nemo facile illam honeste oblatam repudiet; quum sciant, illam explendarum cupiditatum quacumque adminiculum esse potentissimum; quæ ejus cupido quorundam animos, (modo jam explicato), sensim ita occupat, ut illa etiam ipsa desideria naturalia, quorum explendorum caussa primum adscita fuit, opprimat, & sola in homines imperium sævissimum turpissimumque exerceat. Ratio hinc simul patet, cur ii maxime, quibus ab ineunte adolescentia cum paupertate, inopia, necessariisque victus & cultus comparandi magnis difficultatibus fuit conflictandum, magis etiam ad avaritiam propensi vulgo sint, quam qui rerum omnium copia semper adfluxerunt. Honoratiorum itaque civium & divitum liberi, ad prodigalitatem prioniores sunt; quod pecunia iis non deesse solet, neque ut ei parcant opus sibi esse putant, neque etiam sua illam opera acquirere cogantur; præterea alia eorum cupiditates tam larga plenumque subsidia & alimenta nanciscuntur, ut avaritiæ studio.

7

dio facile superiores evadant. Contra autem, quem ex-
hausta, necessaria sibi pecunia parandæ caussa, molestia
pretium nummo statuere docuit, nec non cuius condi-
tio & locus in civitate talis est, ut mature videat omnem
fortunam suam, potentiam & dignitatem, a pecunia suæ
magnitudine præcipue penderet; facile pecuniis æstiman-
dis adeo adsuicit, tantumque interdum illarum concipit
amorem, ut nihil aliud, quam illas diligentissime corra-
dendas & custodiendas, mens sua aut spectet aut cogi-
tet; ut sibi sponte ipse omnes non modo vitæ volupta-
tes & commoditates, sed necessaria quoque ejus toleran-
dæ subsidia deneget; ut neque famæ neque gloriæ, neque
dedecoris, neque contumeliae ullam fere rationem habeat,
nec hominum tantum judicia, risum & sales contemnat, sed
neque conscientiæ etiam, neque religionis, ullo moveatur
fensi; ut labores nullos recusat, molestias nullas subire re-
formidet, imo vitæ pericula gravissimasque nonnunquam
poenas sibi imminentes non pertimescat, ubi opum cu-
mulandarum lætior sibi spes affulserit. Adeo curare ni-
hil omnino aliud videtur, quam ut dives moriatur! (a).
Gaudium suum hinc omne pendet; in cerebri sui sys-
temate cum nullo alio idearum genere, quam quod ad
quæstum & opes pertinet, sensus voluptatis esse conju-
ctus & connexus videtur. Cum igitur pecuniam expen-
surus est, non sine maxima reluctantia & molesto ægri-
tudinis sensu facere hoc potest; potentissimaque caussa,
ac vi fere & coactione opus est, (quoties celeris & ma-
joris

(a) Te neque fervidus æstu-
diinoveat lucro, neque hiems, ignis, mare, ferrum;
Nil obstet tibi, dum ne sit te ditior alter.

Populus me sibilat, at mihi plundo
Ipse domi, simul ac numeros contemplor in area.

HORATIUS *Sermon. L. I. Sat. I. v. 38 seqq., 64. seq.*

* * * *

joris lucri reportandi spes eum non impellit), ut carissimos e manu dimittat nummos.

§. IV.

Simili ratione, ex eodem fonte, *Ambitio* diversaque ejus genera oriuntur. Experientia primum magistra discimus, perpetuisque parentum, præceptorum, sociorum &c. admonitionibus nobis inculcatur, hominum de nobis judicia maximam vim in salutem nostram habere vel promovendam vel impediendam; has eorum opiniones, a damno nobis inferendo eos cohibere, ad favendum nobis impellere, ad auxilia nobis indigentibus præbenda permovere, docemur; existimationis igitur, laudis, famæ, gloriæ, honoris, auctoritatis, venerationis, acquirendæ, (ut adjumenti ad fructus voluptatis felicitatisque quoscunque percipiendos potentissimi) studium acre, hinc in nobis sensim enascitur; quo diutius diligentiusque foto, gloria & honores meta denique omnis nostri desiderii studiisque evadunt: qui, quo sæpius impertiti homini fuerint, quo abundantius dulcedinem eorum gustaverit, quo plus sibi profuerint, quo securius iis confidere didicerit, quoque hinc eos vehementius desideraverit; eo justius sibi deberi putat, eoque ægrius iis potest carere. Ita totum sæpe hæc cupiditas animum tandem occupat, reliquis omnibus debilitatis, obumbratis, expulsis. Fortuna hominis, conditio, institutio, &c. maximum in his habent momentum. Pronum hinc est ad intelligendum, quomodo ambitiosus alia omnia, gloriæ vel honoris ac auctoritatis acquirendæ, maxime autem vitandi dedecoris, ignominiaæ & probri causa, contemnat, vitæque commoditates, bona, voluptates, quin salutem, huic idolo suo immolet; cur cum idea gloriæ & honoris, sensus voluptatis & infelicitatis, cum idea contemptus, calamitatis sem-

* * 9 *

semper & tædii acerrimi sensus, in animo ejus indissolu-
biliter associatae sint? Optimates in primis ac divites, eo-
rumque filii, non possunt non teneriorem hujus rei sen-
sum habere (a), quam homines ab infantia duriter ac
contemnit tractati, quibus fructum ex faventi aliorum
opinione minus uberem percipere licuit, qui que humili-
us igitur abjectiusque sentire docentur: quamquam ne-
que his indifferens tamen est, quid de se alii, ac præci-
pue æquales sui (inter quos ac se æquiorum juris com-
munionem intercedere experti sunt) judicent. Hinc est,
quod liberarum cives rerumpublicarum, gloriæ exqui-
sitioni plerumque tangantur sensu; (quod scilicet beni-
gna civium suorum judicia diligentius respectare, opus
habent); despotico contra subjectis imperio, potentiorum
emendicasse gratiam, fere sufficit; & sic porro: innume-
rorum enim hæc doctrina conjectariorum ferax est. Ne-
que alio modo commodius mirabile illud problema ex-
plicari potest, cur homo vitæ suæ omnem felicitatem,
quin vitam ipsam, pro nominis sui immortalitate & glo-
ria post mortem demum reportanda, quæ vanæ instar
umbræ ad se pertinere non videatur, haud raro abjiciat?
Violentus nimis hunc nodum secandi conatus est, si sui
commodi & obtainendæ voluptatis physicæ cogitationi
consilioque, ex HELVETII mente, hoc studium totum
tribuas. Obliviscuntur autem homines *finis* hujusce re-
motioris, & penitus *medio* mentem totam sic advertunt,
ac quasi insigunt, ut hoc pro conaminum suorum scopo

B

ulti-

(a) Ad vim existimationis, cuius studio homines ducuntur, intel-
ligendam facit hæc TUCKERI observatio: *Ut ex voluptate pullulat u-
tilitas, ita honor ex utilitate propagatur, & gradu remotior a ra-
dice progenitrice distat; ob quam causam sensus ejus innatus esse fa-
cilius putatur, quod origo ejus non tam facile investigatur; nunguam
enim adolescit quandiu parenti adhaeret plantæ, nec antequam ex ea se-
parata, surculi modo, suo sustinetur truncu.* SEARCH I. c. ch. XXIV. init.

ultimo amplectantur. Ad voluptatem commodaque sua respicientes, vel *Codrum* atque *Leonidam* morti se obtulisse, vel *Decios* pro exercitu suo sese devovisse, vel *Atilium Regulum* Carthaginem in captivitatem reversum esse, sana mente præditus credere nemo potest. Nec qui vel sensum oppugnare communem, vel vanis homines logomachiis ludere non instituit, quomodo hujusmodi paradoxis defendendis delectari queat, facile video (b).

§. V.

Quin ipsa *Voluptas*, intra sua pomæria, ab hoc Translationis imperio non est immunis. Namque non placent modo vehementius quæ sæpe nosmet delectarunt, ac placere pergunτ, (saltim appeti ac desiderari), etiam cum nihil voluptatis ex iis sentire amplius valemus (a); sed multo quoque suaviore haud raro afficiunt sensu quamdiu voluptatem quandam persequimur, quam cum illam attigimus. Nec *spes* modo, sed ipsum etiam *studium* boni persequendi, ex dulcedine ejus participat; ut plus non nunquam delectationis ex arbore frugifera inferenda, plantanda, putanda, colenda, incrementisque ejus observandis, quam ex ipso fructu gustando homo percipit. Atque major est, in universum, voluptatis summa, quæ ex bo-

(b) Translationi etiam debetur quod ambitiosi & honoris cupidi, signa existimationis externa, pro ipso judicio hominum favente, cupide amplectuntur, etiam cum sciunt ea ex animo neutiquam proficisci; quia ita avide & intemperanter, ita temere & inconsiderate illa haud raro expetunt, ut hac ipsa sua cupiditate offensionem & contemptum hominum excitent: & tamen non cessant stultam mentem vana hac umbrasque pascere.

(a) Voluptatum igitur servos acris studio delicias persequi videamus, quibus suaviter olim affecti fuerunt; sed quas inter, oleitantes, nullam nunc sentiunt voluptatem: non posse tamen iis carere sibi vindicentur, adeoque iisdem litare idolis, frustra licet, semper pergunτ.

norum, quæ petimus, exspectatione, quam ex eorum fruitione, hominibus contingit. In his autem omnibus Translationis magnas esse partes, quæ sensum voluptatis in fine demum seriei idearum ac rerum illuc ducentium positum, cum proximis mediis communicat & conjungit, negaturum puto neminem,

§. VI.

Multæ præterea aliae hominum cupiditates & studia hinc intelligi & explicari commode poslunt; ut neque immediato voluptatis utilitatisque suæ respectui singula tribuere, neque primitivos plures animi humani nisus statuere opus sit. A veris itaque initiosis protecti, (sui videlicet amorem unum esse primigenium mentis nostræ studium ponentes,) falsas inde conclusiones inferunt, qui ad omnem virtutem humanam calumniandam illis abutuntur. Utraque veritas, assumta in auxilium hac de Translatione Appetitus nostri doctrina conciliari facile potest. Præcipue inimicæ istius humano generi Philosophiæ patet vanitas, si præclaram de *Sympathia animalium humanorum* doctrinam in memoriam simul revocemus; quam e suo isti systemate plane eliminant. Nos autem (utraque præclara hac doctrina in auxilium vocata), nihil jam opus habemus, vel indubio Historiarum testimoniis de amore Patriæ in quibusdam gentibus vehementissimo, pro qua vitam lubenter obtulerunt (a), refragari,

B 2

vel

(a) Neque Historia nostræ Patriæ tales ignorat Heros, qui pro Regis salute occumbere non dubitarunt, quibusque visum

Dulce & decorum est pro Patria mori.

(HORATIUS Carm. L. III. Od. II. v. 13.)

Vel unum nominasse sufficiat Nobiliss. HENRICUM WREDE, de cuius heroico facto videatur Generos, v, DALIN Svec Riles Hist. III. Del. II. B, 20. Cap. §. II.

vel in talibus explicandis exemplis anxie nos torquere. Nec generosioris illius heroicæque amicitiæ, quæ amicorum salutem suæ præfert, laudem minuere aut veritatem oppugnare, cogimur (*b*). Difficile autem intellectu est, quomodo homo, sui tantum commodi causa suscipere omnia, quæcumque agit, dici ille queat, qui seipsum & suam utilitatem adeo non respicit, ut sui plane oblitus, de alterius tantum salute cogitare & laborare videatur. Sua salus tum menti ejus omnino non obversatur, multo minus sola eum ad agendum commovet. Sicut Sympathia hominem fortissimo sensu actum, omnino nullo sua utilitatis respectu habito, ad opitulandum aliis hominibus sœpe impellit; ita etiam Translatio Appetitus efficere potest, ut studio suo virtutem complexi in ipsa propter se amanda subsistant, nec solum medii instar sua utilitatis promovendæ non considerent, sed hanc in illa diligenda ne recordentur quidem, multo minus ad hanc præcipue animum intendant. Non negem, demonstrari Philosopho posse, virtutem omnium tutissime homines ad

(*b*) Talia amicitiæ plura exempla adfert LUCIANUS in *Toxaris*. Nec parum nostram firmat admirabilis hujus phænomeni Psychologicæ explicationem, quod servidiori hujusce amicitiæ conjunctio non nisi inter illos fere homines locum habrit, quos (præter ingeniorum & animalium honestorum similitudinem) communia pericula, labores ac molestiæ communiter toleratae communique conatus superatae, consociarunt, atque amici openi maximi æstimare docuerunt, (inter fortunatos enim, quibus ex voto omnia fluunt, talis amicitiæ exemplum vix reperias) qualis conjunctio, si a teneris præterea annis incepit, diuque continuata fuit, non potest non Translationem perfectiorem efficere, amici que felicitatem, & ejus de nobis opinionem, meta instar ornium consiliorum & conataum nostrorum animo tandem objicere. Dubium igitur non est, quin ab amore sui ornis amicitia ultimos natales repeat; sed æque indubium est, minus tamen commode affirmari, eandem nunquam a sui commodi studio esse immunem, verum nos semper in amicis nostris amandis nosmet ipsos, nostramque utilitatem, uno vel alio modo respicere.

ad felicitatem ducere obtinendam; sed longa s^ap^e ratio-
niorum serie opus est, multis ac subtilibus obserua-
tionibus firmanda, ut Epicurea p^rincipue ratione, Religio-
nis ope leposita, hoc doceatur (c): vulgus talis demon-
strationis vim agre capit. Sapienter igitur & benefice
subtilis hujusmodi rationis loco natura Translationis m^o-
rem mentibus nostris concessit, utpote quarum perspica-
cia intelligendique vis tam arctis coercetur cancellis! Re-
gi homo magis sensationibus & phantasie repraesentatio-
nibus, quam ideis distinctis solet; tortius his & efficaci-
us, illae in nos agunt: igitur cum remotioris loco finis,
proprior medii idea nos movet & stimulat, alacrius vi-
am ingredimur, diligentiusque iter conficimus. Faten-
dum quidem est, s^ap^eissime hunc morem in errores nos-
met periculosos & perniciosos impellere; sed hoc, obse-
quiose rationem subinde consulendo, ac sollicit^z & sapi-
entis, quantum fieri potest, ope cavendum est educa-
tionis: cuius itaque hinc necessitas manifestissime simul
patet. Quæ media nobis in pueritia & adolescentia, ut
præclara atque maximi in salutem nostram momenti, i-
dentidem commendantur, laudantur, inculcantur, vel
sponte fese contemplanda sistunt, ita ut nec aliter spe-
ctari, nec alia prædicta facie formaque a nobis cerni
queant; ad quæ igitur amplectenda & appetenda diligenter
impellimur; quorum studium frequenti usu & re-
petitione consuetudinis in nobis vim obtinet: ea finis in-
star consiliorum & conatuum nostrorum summi, non
possunt non animis tandem nostris repræsentari. Quod
idem de rebus quæ ut ingratæ, odiosæ, noxiæ, spectan-
dæ nobis sedulo exhibentur, ratione contraria valet. Sic
per educationem vel neglectam, vel pravam, ad perni-
ciem suam maturandam, in quam omni tum nisu ruunt,

homines impelluntur. Sic ad sapientiae contra, honestatis & virtutis studium gravitor urgendum, (ni infastet interveniant circumstantiae, simili vi contra nitentes), feliciter adduci possunt. Colophonis loco TUCKERI grave hoc judicium, (latine redditum) adjicimus: "Multas alia poslunt adduci exempla, quibus ostendi queat motivorum nostrorum unum alterum generare, liberos hosce manere superstites, mortuis parentibus suis atque oblitione datis, & nonnunquam viperarum progeniei similes, eos interimere e quibus nati sunt. Multa progenitorum horum motivorum, auctoritatem acquirunt eam, ut nobiscum nata esse credantur, idque etiam ab hominibus attentis & litterarum studio deditis; Melchisedeci instar vulgo patre carere & matre putantur, quod eos habuisse in commentariis mentis nostrae memoratum non reperimus. Sed exacto & integro instituto examine, impossibile non sit originem eorum investigare, & forsitan ostendere motiva quae maturioribus annis ad agendum nos impellunt, cuncta, exceptis sensationibus voluptatis & doloris sive appetituum nostrorum naturalium vel acquisitorum, e genere esse translato. Per hunc rivulum ad nos affluxerunt & illapsi sunt, plerique nostri gustus, inclinationes, opiniones, sensus morales, ictus conscientiae, obligationes, impulsus phantasie, studium certarum artium & quaestuum, amor ludorum & delectationum varii generis, respectus famae & existimationis, consilia & rationes prudentiae, virtutes & vitia, ac in universum omnia illa studia aut remotiorum aut praesentium scoporum attingendorum, quae occupationes virorum a puerorum lusibus discriminant." (d)

(d) SEARCH I. c. Ch. XVIII fin.